

Թուղթը կաթողիկոսին խնդրանք չարադրած է Նախիջևանի Հայ Մխարանողներու արքեպիսկոպոսն Աւգոստինոս Բաջենց ²⁵, որ մտերիմ բարեկամն էր Կաթողիկոսին :

Յառաջ կը բերեմ այստեղ Մովսէս Կաթողիկոսին տողերն ուղղուած առ Աւգոստինոս Բաջենց. այս թղթին առաջին մասը գրի առնուած է Խաչատուր Կեսարացւոյ թելադրութեամբ. իսկ երկրորդ մասին մէջ կը խօսի ինքնին Կաթողիկոսը ²⁶.

Թուղթ Մովսէս կաթողիկոսի առ Արքեպիսկոպոսն Նախիջևանի (ի գլուխ քղքոյն գտանի կնիք կաթողիկոսին) :

Յիսուսի Քրիստոսի նուաստ ծառայ, Տէր Մովսէս Կաթողիկոսէ ամենայն Հայոց եւ Պատրիարք Վաղարշապատու սուրբ Աթոռոյ իջմիածնայ. նաեւ ի Խաչատուր վարդապետէ Սպահանու եպիսկոպոսէ ողջոյն եւ սէր հոգեւոր եղբօր մերոյ, տէր Օգոստինոս եպիսկոպոսի ի Տէր յոյժ խնդալ :

Ծանիր սիրելի, որ զու գիտակ ես Մեղքիսէթ անուանեալ կաթողիկոսին այս երկիրս ո՛րչափ չարութիւն եւ ապականութիւն գործեւն. թէ այլասեռից կաշառք տալով եւ կապալայով վարել զկաթողիկոսութիւնն, մա-

²⁵ Աւգոստինոս Բաջենց 1630 Օգոստոս 8ին մեկնած էր Հոռոմ եւ հոն Ուրբանոս Ը.էն ձեռնադրուած արքեպիսկոպոս Նախիջևանի. կը վերադառնայ Նախիջևան 1631 Ապրիլ 1ին :

²⁶ Դիւան Տարածման Հաւատոյ XI, Letteri di lingua straniera an. 1631—1645, fol. 146: